

**VEDAD DELJKOVIĆ, gradski vijećnik  
u Gradskom vijeću Grada Sarajeva**

**GRADSKO VIJEĆE GRADA SARAJEVA  
PREDSJEDAVAJUĆI GRADSKOG VIJEĆA**

**Predmet: Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

**INICIJATIVU**

Predlaže se gradonačelnici Grada Sarajeva da se u okviru raspoloživih sredstava Budžeta Grada Sarajeva za 2023. godinu, odnosno u Prijedlogu Budžeta Grada Sarajeva za 2024. godinu, planira određena finansijska sredstva Sportsko-ekološko-kulturno-turističkom Udrženju "S.A. Zmajevi" Mostar za potrebe renoviranja (adaptacije) prostorija koje koristi Udruženje i izgradnje streljane za sportsko streljaštvo u podrumskim prostorijama predmetnog prostora.

**Obrazloženje**

Sportsko-ekološko-kulturno-turističkom Udrženje "S.A. Zmajevi" Mostar, postoji već jedanaest godina i u tom period je realizovalo niz sportskih, ekoloških, kulturnih, humanitarnih i drugih aktivnosti.

Najveći akcenat stavljaju na rad sa omladinom, te tako u svom sastavu imaju školu fudbala sa preko 80 članova uzrasta od 5 do 12 godina, a od nedavno su osnovali i Sportski streljački klub. Inače, od Sutorine na jugu do Sarajevan a sjeveru, u Bosni i Hercegovini postoji samo jedan aktivni klub u sportskom streljaštvu u Trebinju.

Tokom svog postojanja organizovali su tridesetak turnira u sportskom streljaštvu tokom čega su se uvjerali da postoji ogroman interes za opvaj sport, ali problem je uglavnom bio prostor u kojem bi realizovali aktivnosti, te su na taj način bili spriječeni da pokrenu rad kluba.

Zbog naprijed navedenog odlučili su da otpočnu sa renoviranjem prostorija koje je klub dobio, a počeli su i izgradnju streljane za sportsko streljaštvo u podrumu istih.

Obzirom da se radi o projektu koje iziskuje veća finansijska sredstva, ovo Udruženje nije u mogućnosti samostalno obezbijediti cjelokupan potrebni iznos.

Cilj je da se ovi radovi završe do 14.04.2024. godine, kada je planirano otvaranje streljane.

Obzirom na potrebu pružanja određene finansijske potpore ovom Udruženju, predlažem da se ova Inicijativa dostavi gradonačelnici Grada Sarajeva na nanadležno postupanje.

**VEDAD DELJKOVIĆ**

Sarajevo, 28.11.2023. godine

**VEDAD DELJKOVIĆ, gradski vijećnik  
u Gradskom vijeću Grada Sarajeva**

**GRADSKO VIJEĆE GRADA SARAJEVA  
PREDSJEDAVALJUĆI GRADSKOG VIJEĆA**

**Predmet: Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajeva", broj 28/09, 11/20 i 19/20), podnosim sljedeću

**INICIJATIVU**

Predlaže se gradonačelnici Grada Sarajeva da se u okviru raspoloživih sredstava Budžeta Grada Sarajeva za 2023. godinu, odnosno u Prijedlogu Budžeta Grada Sarajeva za 2024. godinu, planira određena finansijska sredstva JU ZAVOD ZA HITNU MEDICINSKU POMOĆ KANTONA SARAJEVO za potrebe kupovine rezervnog agregata za napajanje električnom energijom, a čija je procijenjena vrijednost 47.953,62 KM sa PDV-om.

**Obrazloženje**

JU Zavod za hitnu medicinsku pomoć Kantona Sarajeva svoju djelatnost obavlja u dotrajaloj zgradi, a čije sveukupno stanje je pogoršano prekidom električne energije koji je uzrokovao problem sa radom medicinskih aparata. Sve navedeno zbog nefunkcionalnosti agregata.

Neupitna je činjenica da hitna medicinska pomoć zahtijeva stalno i kontinuirano napajanje električnom energijom u cilju pružanja adekvatnih zdravstvenih usluga građanima Kantona Sarajeva, a za što je neophodna nabavka agregata.

Agregat treba da omogući nesmetano napajanje električnom energijom u kritičnim situacijama obzirom da se u ustanovi kakava je ova ne smije i ne može priuštiti nestanak električne energije. Prema saznanjima kojima raspolažem najpovoljnija cijena agregata kojom raspolaže JU je 47.953,62 KM sa PDV-om.

Cijeneći značaj ustanove i potrebu njenog nesmetanog rada, predlažem da se ova Inicijativa gradonačelnici Grada Sarajeva na nadležno postupanje.

**VEDAD DELJKOVIĆ**

Sarajevo, 28.11.2023. godine